



7144 Vella, december 2022

Novitads dalla suprastonza communal Lumnezia

La suprastonza communal Lumnezia ha approbau las suandontas fatschentas.

Administraziun communal – fatgs da personal

Il selvicultur Corsin Flepp da Curaglia ei vegnius engaschus sco substitut dil menaschi forestal Lumnezia en fuorma da mandat ad interim. Per regla vegn Corsin Flepp ad esser mintgamai la mesjamna e la gievgia en Lumnezia. El ei contonschibels per telefonin 079 611 45 04 ni e-mail: uaul@lumnezia.ch.

Julia Cavegn, sesenta a Sagogn (carschida si a Vella), ei vegnida elegida sco collaboratura dall'administraziun communal. Ella entscheiva siu engaschament il schaner 2023 en in pensum da lavur da 40%.

Rita Collenberg, sesenta a Morissen, ei vegnida elegida sco collaboratura dall'administraziun communal. Ella entra en uffeci igl 1. da fevrer 2023 cun in pensum da lavur da 50%.

Silvana Caviezel-Lombris, sesenta a Vella, ei vegnida elegida sco canzlista dalla vischnaunca Lumnezia. Ella ha gia luvrau ils davos tschun onns ell'administraziun communal sco substituta dil canzlist ed ei entrada en uffeci per immediat cun in pensum da 80%.

Franco Caminada, sesents a Nussaus (Lumbrein, ei vegnius elegius sco vice-cumandant dils pumpiers Lumnezia.

Surdadas incaricas da lavur

1. Manteniment dils plazs avon la casa communal ed avon la Biblioteca Lumneziana a Vella.
 - Lavurs d'impressari alla fatschenta Savoldelli SA, 7144 Vella
 - Lavurs da catram alla fatschenta Stradun SA, 7151 Schluein
 - Survigilanza dallas lavurs al biro Cavelti Derungs AG, 7130 Glion
2. Sanaziun dil plaz da sport, casa da scola a Lumbrein
 - Lavurs da contuorn alla fatschenta db Garten- und Sportanlagen, 7130 Glion
3. Midada dall'illuminaziun dil plaz da tennis/plaz da glatsch a Pellas, Vella sin LED
 - Lavurs d'electricist e da furniziun alla fatschenta Soller-Partner Electro SA, 7144 Vella
4. Manteniment dil pilotadi per la serenera Turatscha a Degen
 - Planisaziun e pilotadi allas fatschentas Brüniger & Co., Cuera e Max Spaltenstein, 8636 Wald.

Concessiuns da contribuziuns finanzialas

1. Scola da skis e snowboard Lumnezia; per illuminaziun dil ponylift a Pellas, Vella
2. Pro Lumerins; per il retuorn dalla secunda gruppa da cristallas dil Péz Regina
3. Uniun tratga da biestga Lumnezia; per exposiziuns da biestga
4. Chor mischedau Vignogn; per radunonza da delegai dall'uniun ceciliana da cant
5. Per il sportist lumnezian Benjamin Bosshard (reiver sin glatsch)
6. Giusep Giuanin Decurtins; concert da benefezi dil Trio Ucraina

Conclus dalla radunonza communal Lumnezia dils 16 da settember 2022

- Approbau il rapport e quen annual 2021
- Concediu il credit supplementar da CHF 135'000 per la sanaziun dalla via quartier Trutg, Vella
- Approbau rendaquens finals per ils suandonts projects
 - Midada dils locals d'uniuns a Cumbel

- Biblioteca Lumnezia a Vella
- Pilotadi central pil providiment d'aua Lumnezia

Conclus dalla radunonza communal Lumnezia dils 16 da december 2022

- Approbau il preventiv dil quen annual 2023
 - Quen economic culs cuosts ed il recav
 - Quen d'investiziuns cun expensas ed entradas
- Priu enconuschientscha dalla planisaziun d'investiziuns per 2023-2027
- Sbassau il pei da taglia communal sin entradas e facultad da 100% sin 90% dalla taglia cantunala semplia.
- Approbau la revisiun parziala dil reglament da salarisaziun per la vischnaunca Lumnezia (022.100).
- Concediu il dretg da burgheisa a Melanie Nothacker, oriunda dalla Tiaratudestga e sesenta a Lumbrein.

Termins radunonzas communalas Lumnezia 2023

17 da mars 2023

16 da zercladur 2023

15 da settember 2023

15 da december 2023